

六十種曲

2

判

釵

目錄

第一齣 家門

第二齣 會講

第三齣 慶誕

第四齣 堂試

第五齣 啓媒

第六齣 議親

第七齣 退契

第八齣 受釵

第九齣 繡房

第十齣 逼嫁

第十一齣 辭靈

第十二齣 合卺

第十三齣 遣僕

第十四齣 迎請

第十五齣 分別

第十六齣 赴試

第十七齣 春科

第十八齣 閨念

第十九齣 參相

第二十齣 傳魚

第二十一齣 套書

第二十二齣 獲報

第二十三齣 覓眞

第二十四齣 大逼

第二十五齣 發水

第二十六齣 投江

第二十七齣 憶母

第二十八齣 哭鞋

第二十九齣 搶親

第三十齣 祭江

第三十一齣 見母

第三十二齣 遣音

第三十三齣 赴任

第三十四齣 誤計

第三十五齣 時祀

第三十六齣 夜香

第三十七齣 民戴

第三十八齣 意旨

第三十九齣 就祿

第四十齣 奸詰

第四十一齣 晤堦

第四十二齣 親紱

第四十三齣 執柯

第四十四齣 續姻

第四十五齣 薦亡

第四十六齣 責婢

第四十七齣 疑會

第四十八齣

團圓

荆釵記

明朱權箸

第一齣 家門

〔臨江僊〕〔末上〕一段新奇眞故事。須教兩極馳名。三千今古腹中存。開言驚四座。打動五靈神。六府齊才並七步。八方豪氣凌雲。歌聲遏住九霄雲。十分全會者。少不得仁義禮先行。〔問答照常〕

〔沁園春〕才子王生。佳人錢氏。賢孝溫良。以荆釵爲聘。配爲夫婦。春闈催試。拆散鸞凰。獨步蟾宮。高攀仙桂。一舉鰲頭。姓字香。因參相。不從招贅。改調潮陽。修書遠報萱堂。中道奸謀變禍殃。岳母生嗔。逼凌改嫁。山妻守節。潛地去投江。幸神道匡扶撈救。同赴瓜期。往異鄉。吉安會義夫節婦。千古永傳揚。

王狀元不就東牀壻。

万俟相改調朝陽地。

孫汝權套寫假書歸。

錢玉蓮守節荆釵記。

第二齣 會講

〔滿庭芳〕〔生上〕樂守清貧。恭承嚴訓。十年燈火相親。胸藏星斗。筆陣掃千軍。如遇桃花浪煖。定還我一躍龍門。親年邁。且自溫衾扇枕。隨分度朝昏。〔古風〕越中古郡誇永嘉。城池閶闔人奢華。思遠樓前景無限。畫船歌妓顏如花。詩禮傳家忝儒裔。先君不幸早傾逝。奈何家業漸凋零。報効劬勞未如意。儘交彈鋏歎無魚。甘守齷齪樂有餘。萱堂淑賢齊孟母。諄諄教子讀詩書。刺股懸頭曾努力。引光夜鑿匡衡壁。胸中拍塞書五車。舌底瀾翻浪千尺。嗟吁歲月不我留。親年老邁喜復憂。甘旨奈何缺奉養。功名況且志未酬。一躍龍門從所欲。麻衣換卻荷衣綠。丹墀拜舞受皇恩。管取全家食天祿。小生姓王名十朋。表字龜齡。溫州在城居住。不幸椿庭早逝。惟賴母親訓育成人。家無囊橐。忝列庠生之數。學有淵源。漸無驛宰之榮。明日府尊堂試。他時大比。未知若何。此乃天命所賦。亦非人意所期也。日昨已曾相約朋友們講學。以明經史。在此等候。

〔水底魚〕〔末上〕白屋書生。胸中醉六經。蛟騰鳳起。管登科。爲上卿。自家府學員王士宏。明日府尊堂試。已約朋友會講。不免到梅溪家去。迤邐行來。此間就是梅溪有麼。〔生〕四

明請了〔末〕請了〔生〕半州爲何不至〔末〕隨後來了。

〔前腔〕〔淨上〕白面兒郎學疎才不廣。粗豪狂放。指銀瓶。索酒嘗。自家孫汝權。府

尊堂試。來到梅溪家會講。迤邐行來。梅溪有麼。〔生見介〕明日本府堂試。我等各把本經講習一篇。

〔淨末〕君子講學。以文會友。有何不可。〔生〕如此。先把四書講一講。〔淨〕講甚麼書。〔末〕若講四書。

先講論語。梅溪學而時習之。不亦悅乎。半州有朋自遠方來。〔生〕學生亂道了。〔淨〕願聞。〔生〕學之。

爲言效也。人性皆善。而覺有先後。後覺者必效先覺之所爲。乃可以明善而復其初也。習鳥數飛也。

學之不已。如鳥飛也。管見如此。望二位改教。〔末〕講得有理。〔生〕四明。不亦悅乎。怎麼講。〔末〕學生

亂道。〔生〕願聞。〔末〕既學矣。而又時習之。則所學者熟而中心喜悅。其進自不能已矣。請二位改教。

〔生〕講得有理。〔末〕半州有朋自遠方來。不亦樂乎。怎麼講。〔淨〕我也要講。免了罷。〔末〕這個如何

免得。〔淨〕鵬大鳥也。一飛九萬里。果是遠方之外落者。是調也。那大鵬在遠方之外飛來。不想飛得

羽垂翅折。在半空中停翅而想。說道。我有些吃力了。莫不要調下去。說言未盡。蹣跚。此乃不亦樂乎。

〔末〕半州差了。你我同心爲友。合志爲朋。怎麼到說了飛禽。〔淨〕二位滿腹文章。無忝同類。我學生

不通古今。一味粗俗。誠所謂馬牛而襟裾。飛禽與走獸。正是同類。〔末〕休要取笑。

〔玉芙蓉〕〔生〕書堂隱相儒。朝野開賢路。喜明年春闈已招科舉。窗前歲月莫虛度。燈下簡篇可卷舒。〔合〕時不遇。且藏諸韞匱。際會風雲。那時求價待沽諸。
〔前腔〕〔末〕懸頭及刺股。掛角並投斧。歎先賢曾受許多勤苦。六經三史靡溫故。諸子四書可誦讀。〔合前〕

〔前腔〕〔淨〕家私雖富足。心性忒愚魯。向書齋剛學得者也之乎。無才學休想學干祿。有才的便能身掛綠。〔合前〕

〔生〕聖朝天子重英豪。

〔末〕常把文章教爾曹。

〔淨〕世上萬般皆下品。

〔合〕思量惟有讀書高。

第三齣 慶誕

〔高陽臺〕〔外上〕兔走烏飛。星移物換。看看鬢髮皤然。嗣息無緣。幸生一女芳年。溫衣飽食堪過遣。賴祖宗遺下田園。喜一家老幼平安。謝天週全。〔鷓鴣天〕

華髮蕭蕭鬢若霜。老來無子實堪傷。箕裘事業誰承繼。詩禮傳家孰紹芳。閒議論。細思量。欲將一女贅賢良。流行坎壈皆前定。只把丹心托上蒼。老夫姓錢名流行。溫城人也。昔在鴻門。忝考貢元。衣冠世裔。時乖難顯於宗風。閱閱名家。學淺粗知乎禮義。不幸先妻早逝。只存一女。年方二八。欲招王十朋爲壻。以繼百年。自愧再婚姚氏。幸喜此女能侍父母。正是子孝雙親樂。家和萬事成。今日是老夫賤誕。聊備蔬酒。少展良辰。李成那裏。〔末上〕一點祥光現紫薇。勿勿瑞氣藹庭幃。齊簪翠竹生春意。共飲瑤卮介壽眉。老員外有何鈞旨。〔外〕請老安人出來。〔末〕老安人有請。

〔臘梅花〕〔淨上〕年華老大雙鬢皤。胭脂膩粉時丟抹。市人都道我。道奴相像夜叉婆。〔末〕牛頭獄卒做渾家。此不是夜叉婆。〔淨〕老員外萬福。

〔前腔〕〔丑上〕奴奴體兒多嫋娜。嫦娥也賽奴不過。市人都道我。道奴相像緊那羅。〔末〕小心金鼓手。此不是緊拿鑼。〔丑見介〕願嫂嫂千年朱頂鶴。願哥哥萬代綠毛龜。〔外〕甚

麼說話。〔淨〕姑娘。今日是你哥哥誕日。爲何來得能遲。〔丑〕在家整備些薄禮。因此來遲。〔外〕妹子自家。如何送許多禮。〔丑〕沒有什麼。牽得一隻黃狗。與哥哥慶壽。〔外〕狗慶得壽的。〔丑〕黃者無疆。

願哥哥受天之慶。〔淨〕每年間是你把盞。今年你姪女長成了。該他把盞。學些禮體。待我去叫他出來。孩兒那裏。

〔珍珠簾〕〔旦上〕南極耿耿祥光燦。明星爛。慶老圃黃花娛晚。〔衆〕去了青春不再返。且暫把身心遊翫。〔旦〕疎散喜團圓歡會。慶生華誕。〔外〕紛紛紅紫競芳塵。

日永風和已暮春。〔旦〕但願年年當此日。一杯壽酒慶生辰。〔外〕雖然如此。一則以喜。一則以憂。〔淨〕所喜者何也。〔外〕所喜者家庭溫厚。骨肉團圓。〔丑〕所憂者。〔外〕所憂者奈我女兒姻親未遂。若得了汝終身。永無掛念。〔旦〕告爹爹知道。念玉蓮溫清之禮尙缺。蘋蘩之事未諳。且自開懷暢飲。不必掛念。〔淨〕我兒說得有理。今日是壽日。說什麼招女婿。有了這等如花似玉的女兒。怕無門當戶對的女婿。〔丑〕自古道腰間有貨不愁窮。取酒來該你把盞。

〔錦堂月〕〔旦〕華髮斑斑。韶光荏苒。雙親幸喜平安。慶此良辰。人人對景歡顏。畫堂中寶篆香銷。玉盞內流霞光泛。〔合〕齊祝贊。願福如東海。壽比南山。

〔前腔〕〔丑〕筵間繡幙圍環。奇珍擺列。渾如洞府仙寰。美食嘉殽。堪並鳳髓龍

肝簪翠竹同樂同歡。飲綠醕齊歌齊唱。〔合前〕

〔前腔〕〔淨〕堪歎。雪染雲鬢。霞綃杏臉。朱顏去不回還。椿老萱衰。只恐雨飈風
倏。但只願無損無傷。咱共你何憂何患。〔合前〕

〔前腔〕〔外〕幽閒。食可加餐。官無事擾。情懷並沒愁煩。人老花殘。於心尙有相
關。待招贅百歲姻親。承繼我一脈根蔓。〔合前淨〕李成收了罷。〔外〕媽媽。還不曾喫得酒。

就收拾了。你這等慳吝。〔淨〕老兒。

〔醉翁子〕非慳。論治家千難萬難。休只管喫得甕盡杯乾。〔丑〕今番慶生席面。
難做尋常一例看。〔合〕重換盞。直飲到月轉花梢。影上闌杆。

〔前腔〕〔外〕神僊。滿座問人閒事減。慶眉壽。樽前席上。正宜疎散。〔衆〕歡宴樂。
人祗應品竹彈絲敲象板。〔合前〕

〔僥僥令〕〔衆〕銀臺燒絳蠟。寶鼎噴沈檀。望乞蒼穹從人願。〔合〕骨肉永團圓。
保歲寒。

〔前腔〕炎涼多反覆。日月易循環。但願歲歲年年人康健。〔合前〕

〔尾〕玉人彈唱聲聲謾。露春纖把錦箏低按。曲罷酒闌人散。

四時光景疾如梭。

堪嘆人生能幾何。

遇飲酒時須飲酒。

得高歌處且高歌。

第四齣 堂試

〔謁金門〕〔小外雜從上〕簡命分專邦甸。報國存心文獻。蒲鞭枉昭公椽。三載民無怨。千里承恩秉郡旄。矢心曾不染秋毫。公門既許清如水。吏筆何須利似刀。無德政。起童謠。聿修文事。讚皇朝。願將廉范龔黃意。布政歐城教爾曹。自家温州府太守吉天祥是也。卽今賓興之秋。又當堂試之日。下官今日考試諸生。左右。喚秀才進來。

〔轉山子〕〔末扮學官上〕六經慚負管窺天。可信燈毬恁有緣。士子作章編。爭望登高選。送生員手本。〔外〕趨生員進來。教官出去罷。〔末應下〕

〔水底魚〕〔生上〕仰之彌高。鑽之彌堅。忽焉在後。瞻之忽在前。

〔前腔〕〔末上〕學問無邊。如人臨廣淵。意深趣遠。玄玄復又玄。

〔前腔〕〔淨上〕身似神僊。金銀積萬千。無心向學。終朝只愛眠。〔衆見介外〕衆生員起來作揖。〔衆應介淨〕學生皆膺見之學。望大人賜淺些題目。〔外〕衆秀才。今日考試汝等。不意分巡大人報到。將就考一道策罷。起來聽題。

〔紅衲襖〕〔外〕問古人君所以賢。古人臣所可言。聖王汲汲思爲善。爲善還當何者先。子輩燈窗已有年。所得經書學問淵。悉心爲我敷陳也。毋視庸常泛泛然。〔衆遞卷介外〕叫左右。拿那生員背起來打。〔淨〕老夫何以賜責。〔外〕我什麼衙門。令人代作文字。〔淨〕怎麼代作文字。〔外〕這卷與這卷明明是一個人寫的字。若肺腑流出。必然成誦。衆生員始初送卷的。各背爾所作上來。

〔前腔〕〔生〕對古明君在重賢。古良臣貢舉先。巫咸傳說初皆賤。伊尹曾耕莘。上田。皇陶既舉不仁遠。四皓出而漢祚安。恭承執事詢愚見。敢不諄諄露膽肝。〔外〕此篇以薦賢立論。是知國家之首務者。宜取以冠首。

〔前腔〕〔末〕對古賢王在獵畋。古賢臣開墾先。孟軻十一言猶善。八口同耕井字田。庸言民乃國之本。故曰食爲民所天。躬承執事詢愚見。敢不精心進數言。
〔外〕此篇以井田十一立意。足見其有憂國憂民之意。可喜。可喜。

〔前腔〕〔淨〕對古剛明須積錢。臣奉行須聚斂。治財理賦稱劉晏。功數蕭何餽。餉先。徵糧要他加二三。糧完時賞他一個錢。若今府庫充盈也。大敵聞之不敢言。〔外〕此篇陳辭未純。立論不正。宜加刻苦之功。須革富貴之相。方免馬牛襟裾之誚。庸勉庸勉。諸生過來。先遞卷的甚麼名字。〔生〕生員王十朋。

〔外〕今朝堂試汝魁名。

他日須知作上卿。

〔衆〕大惠及民誇德政。

又將文字數書生。

第五齣 啓媒

〔荷葉魚兒〕〔外上〕春雨新收。喜見山明水秀。萬花深處有鳴鳩。軟紅泥踏青時候。試躡青鞋。慢拖斑竹。去尋良友。自分老林丘。詩酒朋儕。昔年壁水壯遨遊。學冠同流。嗟